

Виктор НАКСЫЛ: “СЦЕНАНЫ САКТЫ БЕРДИМ”

1978 чылда В.Көк-оол аттыг хөгжүм-шии театрынга Москваның Щукин училищезиниң доозукчулары, аныяк артистер, доозуп чедип келген. Олар “Терезин шляпа” биле “Ынакшааннарның амы-тынынга четтингени” деп ийи шиини көрүкчүлөргө бараалгаткан. Кайызының-даа кол рольдарында кызыл диплом-биле дооскан Виктор Наксыл биле Алексей Ооржак. Щукинчилерниң оюнун көрүкчүлөр кайгамчык сонургал-биле туткуп алганын сактыр-дыр мен. Бистер, студентилер, оларның шиилерин мырыңай ийи-ийи катап суг көрүп турган ийик биле Москвага өөренип турган болгаш ындыг ийикпе, артистерниң чараш деп чүвезин!

—Виктор Оюнович, чогаадыкчы кежээнерни улуг сонургал-биле манап тур бис. Сценаны сакты берген боор силер аа?

—Ындыг. Сценаны сакты-даа бердим, оон аңгыда моон соңгаар мындыг эптиг үе турбайн барза канчаар деп база бодап тур мен.

—Чогаадыкчы кежээнерниң программазын сонуургадып көрүңерем.

—Бодумнуң ойнап чораан шиилеримден үзүндүлөр көргүзөр мен. Оон аңгыда театр артистери база киржир. Санкт-Петербуртка театр академиязынга өөренип турда башкылап турган бөлүмнүн артистери — Стас Ирил, Саяна Оюн, Ляна Өндүр суглар бар. Чаңгыс-курсчуларым — шукинчилерни чаладым.

—Виктор Оюнович, чогуу театрдан чүгө чорупкан силер?

—ТР-ниң Культура болгаш националдар херектериниң талазы-биле яамызы ажилдаарынче чалаарга чорупкан кижилер мен.

—Ам театрже эглип келгениңер ол бе?

—Чок-чок. Чөөн Сибирьниң культура болгаш уран

Щукинчилерден үр болбаанда Виктор Наксыл “Тыва Республиканың алдарлыг артизи” деп хүндүлүг атты чедип алган. Чээрби ажыг чылдарның дургузунда Виктор Оюнович хөй-ле шиилерге кол-кол рольдарны ойнаанын билер бис. Хенертен ол сценага көзүлбестей бээрге, көрүкчүлөр чоктаан болбайн канчаар. Октябрь 9-та В.Көк-оол аттыг хөгжүм-шии театрынга артистиң чогаадыкчы кежээзи болур деп чарлал көргөш, дыка үр оон оюнун көрбээң көрүкчүлөр аажок сонуургап турары чугаажок. Ынчангаш В.О.Наксыл-биле ужурашкан, каш айтырылгарга харыылап бээрин диледим.

чүүл академиязының Кызылда салбырында башкылап тур мен. Сценага ойнаксаар-дыр мен, ынчалза-даа ажылым кежээ 5 шакта эгелээр болгаш театрыңажыл шагының чурumu-биле шуут таарышпас. Болдунар турган болза, дыка-ла онза болур турган ийик.

—Чаңгыскурсчуларыңарның чогаадыкчы ажылыңга үнелелден берип көрүңерем, Виктор Оюнович?

—Институтка өөренип турувуста-ла Александр Салчактың кайгамчык талантызы кестү берген кижилер, ону черле шыраак артист болу бээр деп билип чордум. Алексей Ооржак база чонну кайгады бээр боор дээрзин эндевен-дир мен. Галина Мунзук, Зоя Байыр-оол дээш, өске-даа эштеримниң оюнун улуг сонуургал болгаш ак адааргал-биле көрүп чор мен.

—А өөреникчилериден кымнарны мактап болур силер?

—Бөлүктүң даргазы турган Саяна Оюннун энергиязы четчир кижилер, ам-даа ол чаңын салбаан, организагы болуп артып калган. Эдуард

Ондар, Стас Ирил Тыва Республиканың алдарлыг артистери апарганынга канчап өөрүвес боор. Эр хейлер! Бо аныяктар-биле ажил сеткил-сагыжымга дыка таарышты. Театрга ажилдап келгеш, улуг артистери-биле Мунзуктар, Е.С. Кенденбиле, Б.Ф.Бады-Сагаан олар-биле ужурашып, чугаалажып, аргасүмезин ап четтигипкен кижилер мен. Ынчангаш улуг өгбелеривистен өөренип алган аргадуржулгамны бо өөреникчилеримге база дамчыдар ааскежиктиг болганым ол.

—Ойнагышмаан рольдарыңар бар-ла боор аа?

—Ийе. Ойнаксап чораан рольдарым хөй. Бо эрттирер деп турарым чогаадыкчы кежээмге ол рольдарны ойнаар ааскежиктиг болдум.

—Өг-бүлөңер дугайында чугаалап көрүңерем, Виктор Оюнович.

—Өөм ишти дээди эртемниг эмчи кижилер, Любовь Викторевна дээр. Уруувус Севил бо күзүн бирги классче өөренип кирген.

—Интервью бергениңер дээш четтирдим, Виктор Оюнович. Чогаадыкчы ажылыңарга чедипшөөннерни күзедим. Светлана ДАЧЫН-ХӨӨ.

ЧУРУКТА:

Чылгычы Ондарның “Бодарал” деп шиизинде артистер (солагай таладан) Чадамба Монгуш, Виктор Наксыл, Дадар Намчыл оларның ойнап турары.

(Чурукту редакцияның архивинден алган.)

Көрүкчүнүн хомудалы

АЪТ ЧАРЫЖЫН ШЫН ЭВЕС ТҮННЭЭН

Чоокта чаа республиканың Россияның составынга киргениниң 60 чылынга Кызыл хоорайның тургустунганындан бээр 90 чылынга тураскааткан байырлардан үезиниң кижилерге эң солун кезээ — хүреш биле аът чарыжы болган.

Хүреш-даа муң-муң кижилерниң караанга дорт болуп турарындан ийикпе, маргыш чок төнер чүве. Аът чарыжының канчаар эгелээнин, болганын, төнгенин көөр дээш ховуну бир кылдыр маңаар кижилер-даа кайыныптыр. Бир-ле ырак, көзүлбес черден салыпкан аъттарның кайызы мурнап кээрин көрүкчү кижилер мойну узай берген манап олурап болгай. Бо чылын аът чарыжының дыка куду деңгелге эрткенин демдеглевес болза, келир чылдың маргылдааларыңга бо частырылгар катаптаттынып болур. Чарышты баш удур башкара, тайылбырлаар ужурулгар кижилер республиканың аът чарыжының федерациязын удуртуп чоруур Валерий Базырович Монгуш бодунун частырылгарын херекке албазы дыка элдептиг.

Бо чылын улуг аъттар аразынга 30 км чарышка шыраак шаңнал чик машина салдырган болгай. Ындыг аар өртектиг шаңналдыг маргылдааны кончуг харысалгалыг эрттирер турган. Ынчангаш чондан чажыртынмас фактыларның илерееттинип турары-биле алырга, шын эвес команда алгаш, каш аъттар мурнай халдып үнген бооп турар. “Мээң айткылым чокка стартче аъттар үнмезин, чүгле мени манаар силер” деп дужааган Валерий Базыровичниң мурнунда чагаан сөзүн күүседип арткан кижилер аъттарының дынын салбайн чурумнуг турганнар. Оон чогуур өйүндө шын команда-биле стартан үнгөш, финишке халдып кээрге, шаңнал-мактал шагда-ла үлеттинген, тиилекчилерни мурнай шын эвес команда-биле үнгөн улустан тып, илередип каапкан болган. Шын команда-биле үнгөн улус чүү-даа чок курут калган.

Оларның үезин-даа хемчээр судья чок, оларның маргылдаага киришкенин-даа тоор кижилер чок болган. Шын команда-биле үнгөн аъттар аразынга бир дугаар чер алган Өвүр кожууннун Дус-Даг чурттуг Шимит Кууларга даргалар сөөлзүредир “Хүреш” стадионунга карак ажыг 5 муң рубль тудускаш, чорудупкан.

Солуннарга бижип турары-биле алырга, маргыштыг чүүл турган, ынчалза-даа бир дугаарында (шын эвес команда-биле) үнгөн аъттар черле ниитизи-биле

шыраак, билдингир болганын барымдаалааш, ол аъттарны шаңнаан дээн тайылбырның чегенчин кандыг дээр. Кижилер бодаарга, чурум үрөп, мурнай үнгөн аъттарны шаңнабас, шын команда-биле үнгөн аъттар аразындан бирги чер алган аът ээзи машина алып турган эвес бе? Ол та чүгө ынчаар болбаан чүве. Маңаа аъттың ылап чүтүрүү эвес, дарганың күзели шыраак болганындан ындыг шииткел үнгөн чадавас. “Чажыт эвес, Валерий Базыровичниң хуу малы, чылгызы тиилекчи кылдыр санаттырган (шын эвес команда-биле үнгөш) аъттың ээзиниң аалында, Би-Хемде, кадартып турар болгай” деп, шөлгө маргылдаа көрүп турган чон аразынга чугаалар дыңналгылаан. Азы ыяап ол аътты эрттириксээш, Валерий Базырович боду аът чарыжының үезинде ындыг будулгаазыны таарыштыр чоруткан эвес ирги бе?

Кандыг-даа маргылдаа ужуручурумнуг болгай. Дарга хуу белээн салып, хуу маргылдаанын эрттирип турбаан болгай. Республиканың бүгү чонунга хамааржыр мөөрей болганда, кижилер бүрүзү ниити чурумга чагырттыр ужурулгар. Старт шын эвес болган ужурунда аъттарны дедир кыйгырттып, катап чыып, салып үндүрер үезинде шын команда бээр ужурулгар турган. Ол болдунмас турган болза, ийи дугаарында шын үнгөн аъттарның үези-биле мурнай шын эвес үнгөн аъттарның үелерин деңгелсээш, эң шыраак аътты тып тодарадыр турган. Черле ынчаш маргыштыг чүүл, аас-дыл үнгөндө, аар өртектиг шаңналдыг маргылдааны улуг комиссия дузазы-биле сайгарар ужурулгар турган.

Шап мындыг кара ояар байдал 20 км чарышка аъттар аразынга база болган.

Оюн-баштак эвес, Тываның аңгы-аңгы булуңнарындан кижилер кээп, малын ай-айы-биле белеткеп, акша-төгериин чарып, күжүн үндүрүп, маргылдаага, аът чарыжыга белеткенип келгендир. Мынчаар багай чаңнап, ындыг аар өртектиг шаңналды чогуур ээлерге тыыспайн, меге, кажар арга ажыглаан кижилер шаңнап каарга, көрүкчү кижилер безин дыка хомуданчыг-дыр.

Ляна БАЙЫР-ООЛ.

Чагаалар аразындан

Хереглекчилер ниитилелинден дилег

Күскү үеде кат чыгаш, ону садып алырга, өг-бүлө бюджетинге немере болур. Бисте амыдыралга кызымак улус чыгган кадын Чадаанаже кирип, садып ап азы аш-чөмгө орнап-даа турду. Чамдык тайгадан баткан улусту суурда сайгарлыкчылар джирлер суур бажыңга бажын дозуп, оларның бүдүн хүн чыып алган кадын “технар” арагазынга азы аар өртектиг макарон кылыгыларынга

орнап ап чайлады.

Оларга кат хүлээп алып черни тургузуп, ону акшага азы аш-чөмгө орнап ап болур таарымчалыг байдалды тургузары күзенич. Тывада эки ажилдыг диртип турар Чадаананың хереглекчилер ниитилели (Роза Дега) бо ажилды организастап, суурга салбырдан тургузарын өөренип көөрүн дилээр-дир бис.

Дадар-оол САТ.

Бажың-Длаак суур.

